


Edukasyon sa Pagpapakatao

**Una Nga Graduhan:
Modyul 2: PAGTAPOD HA
KALUGARINGON**



PAG-AARI NG PAMAHALAAN
HINDI IPINAGBIBILI



Aradman

Ine nga modyul may ada mga impormasyon hiunong hin Pagtapod ha Kalugaringon. Hinay-hinay ngan mabusisi ini nga ginhimo an kada detalye o an sulod hine nga modyul para hul-os nga maintindihan an durudilain nga mga tawo.

Pagkatapos hini nga mga buruhaton ha modyul, naglalaom kami nga maipakita mo an:

1. Nagpapakita hin mga mahinungdanon nga akus buhaton nga may ada pagtapod ha kalugaringon. **(EsP3PKP-Ia-14)**



Inadman

Basaha ngan intindiha hin maupay an kada pamulong ha ubos. Butangi hin tsek (✓) kun para ha imo tama an pamulong. Ekis naman (X) kun para ha imo dire tama an sinisiring han pamulong. Isurat ha lain nga papel an imo baton.

- _____ 1. An sobra nga kaawdunon nakakaulang ha pagkaka-ada hin pagtapod ha kalugaringon.
- _____ 2. An pagpapauswag han aton talento ngan kalugaringon usa nga pagpapakita hin paghigugma ha aton kalugaringon.
- _____ 3. Libre kita mag kumpara han aton mga kalugaringon ngan talento ha iba nga tawo para maipakita ha kadam-an kun hino an mas makarit.
- _____ 4. Mga tagsa-tagsa kita sanglit mayda kita iba-iba nga kalugaringon nga talento ngan akus buhaton nga puydi makapalipay ha iba nga tawo.
- _____ 5. An pagtapod ha kalugaringon nga magbuhat hin usa na butang hul-os nga makakaangkon hin ungod nga kalipay ha pagbuhat.



Panumdum

Akus Ko, Mahihimo Ko!

Ha siyahan nga aradman nahibaruan mo an importansya han pagkilala ngan pagdiskubre han aton talento ngan abilidad, pagpapauswag ngan pagpaangbit ha iba nga tawo.

Hini nga pag-aradman aton pag-iistoryahan kun ano an importansya han pagkakamay-ada pagtapod ha kalugaringon para maipakita ngan mapaangbit naton an aton talento o abilidad ha iba na tawo hin maupay ngan paghatag hin importansya ha mga akus buhaton.

An kada usa may ada talento ngan abilidad. Kumo usa na tawo mayda kita katungdanan na pauswagon ngan gamiton ini ha kada-adlaw. Bahin hini na pagpapauswag an pagpaangbit ha iba na may kaupayan.

An pagkamakarit nanginginahanglan hin pagtapod ha kalugaringon para mabuhat naton an aton mga katungdanan kumo usa na indibidwal. Nakakapalipay ini ha kasing-kasing kun ini nahihimu naton hin maupay kabalyu han mga sakripisyo na aton nabuhat.

Buruhaton

Mga kagamitan para ha buruhaton

- Usa kabug-os nga papel
- Ladawan nga nagpapakita han imo buruhaton ha usa nga butang nga may ada pagtapod ha imo kalugaringon.

(Pananglitan: Nakanta ha entablado, nagsisiday ha atubangan han imo mga igkasi eskwela)

- Pandikit
- Usa nga halipot nga istorya nga imo gin himo hiunong han imo gin dikit nga ladawan. An mga pakiana ha ubos himua nga giya para mahimo mo ini nga halipot nga istorya.

Mga Pakiana

1. Puydi mo ba ipakilala kun hira hino an aada ha ladawan?
2. Ano an gin bubuhat han aada ha ladawan?
3. Ano an imo inaabat han ginpakita nga ladawan samtang ginbubuhat mo ini?
4. Ha sunod nga higayon uutruhon mo pa ba buhaton an aada ha ladawan? Kay ano?



Diskubreha

Buruhaton

Baliki naton utro an aton gin adman han una nga leksyon. Huna hunaa an mga butang ngan buruhaton nga nabuhat mo hin maupay ngan may pagtapod ha kalugaringon. Himua ini ha lain ngan malimpyo na papel.

Mga Buruhaton nga Nabuhat Ko	Aksiyon nga gin Pakita
1.	
2.	
3.	
4.	
5.	



Adman 'ta

Direksyon: Huna-hunaa hin maupay an mga butang

Buruhaton 1

A.

Saad ko ha Akon Kalugaringon Ako hi _____, Nagsasaad ako nga _____ _____ _____ _____ Pirma


Usa nga pamatuod nga nabuhat mo an imo saad an pagpirma ha kahon dida ha igbaw. Kuha hin ladawan samtang imo ini gin bubuhat ngan idikit ini ha usa nga bond paper. An aada ha ubos ansya an magigin giya kun paunano mo ini mahihimo.

Ngaran: _____ Pitsa han paghimo: _____ Lugar: _____ Okasyon: _____	Ladawan
--	--



Mga Buruhaton

Pangitaa an kada ladawan nga aada ha ubos ngan isipa kun an kada usa nagpapakita hin pagtapod ha kalugaringon. Isurat ha papel an imo akus buhaton nga nabuhat mo nga nagpapakita hin pagtapod ha kalugaringon.



Buruhaton A

Direksyon: Buhata ini ha lain ngan malimpyo na papel.

Pagsusi

1. Ano-ano an gin hihimo han mga eskuwela ha ladawan?
2. Mayda ba pagkakaiba o pagkakaparehas an mga buruhaton nga aada ha ladawan? Puydi mo ba ine maipasabut?

Repleksyon

3. Hain ha mga ladawan an imo kaya buhaton?



Akon Nahibaruan

Direksyon: Kuha hin usa kabug-os nga papel ngan pagdrowing hin ladawan nga nagpapamatuod han imo nagin baton ha ikatulo nga pakiana tikang ha Buruhaton A. Puydi ka gihap mag gunting hin usa nga ladawan gikan ha mga magasin, diyaryo o mga daan na libro ngan idikit ini ha bond paper. Butangi ini hin imo kasayuran o eksplenasyon kun kay ano kaya mo gihap mabuhat an aada ha ladawan.

Basaha an halipot nga anekdota nga nagpapakita hin karig-on ngan pagtapod ha kalugaringon samtang gin bubuhat mo an usa nga butang.

An kada tawo may gin tatago nga talento o abilidad ha pagbuhat hin usa nga butang nga may kakaritan. Importante la nga mahipakita naton ha iba an aton pagtapod ha kalugaringon nga akus naton ini buhaton.

An pagtapod ha kalugaringon usa nga motibasyon para maipakita ngan maipaangbit mo ha iba hin maupay ngan makarit an imo talento. An talento ngan pagtapod ha kalugaringon may kalabutan ha kada usa sanglit an imo talento ngan abilidad mababali waray la kun ini diri mo mabuhat hin maupay ngan maipakita ha iba na tawo.

Sanglit samtang bata pa kinahanglan gud nga pauswagon an talento ngan magkamay ada pagtapod ha kalugaringon nga akus mo buhaton an mga butang nga nakakapalipay ha imo.

Tigamni:

Pirme hunahunaa nga an talento kinahanglan ipakita ngan igpaangbit ha iba nga tawo. Mahihimo mo la ini kun ikaw mayda hul-os nga pagtapod ha imo kalugaringon ngan kaya buhaton.



Akon Mabubuhat

Basaha ngan intindiha an kada pamulong. Batona hin **TAMA** kun para ha imo ansya na an nakabutang ha pamulong ngan **DIRI** kun diri ansya para ha imo an nakabutang ha pamulong Isurat ha lain nga papel an imo baton.

- _____1. An tawo may abilidad buhaton an mga butang hin may kakaritan.
- _____2. An sobra nga pagtapod ha kalugaringon nagpapakita hin kahambogan.
- _____3. An imo talento ngan abilidad bali waray la kun diri mo ini mabubuhat hin maupay.
- _____4. Pirme hunahunaa nga an talento kinahanglanon ipaangbit ha iba na tawo para kita makakarawat hin pagdayaw ngan pagkilala.
- _____5. An pagtapod ha kalugaringon usa nga klase hin motibasyon para mabuhat naton hin maupay an aton mga buruhaton.



Pagsukol Han Nahibaruan

Basaha ngan intindiha an kada pamulong. Pili-a an tama nga baton ha mga letra ngan igsurat ha anseran nga papel.

1. Importante para ha usa nga bata nga magkamay-ada hin _____ ha kalugaringon para mahimu niya hin maupay an iya mga kalugaringon nga hilig ngan talento.
 - a. kaaram
 - b. pagtapod
 - c. maupay nga postura
 - d. marig-on nga pamati

2. An pagtapod ha kalugaringon usa nga klase hin _____.
 - a. inspirasyon
 - b. pamatasan hin tawo
 - c. motibasyon
 - d. pagtuod hin tawo
3. Ikaw an napili nga maapi hin kontes ha pagsiday pero usa ka nga awdunon nga bata tungod diri ka natuod nga akus mo magyakan ha atubangan hin damo nga tawo. Ano an imo bubuhaton?
 - a. maundang nala ha pag eskwela
 - b. magtatangis para maluoy an maestra
 - c. igpapasa an buruhaton ha klasmet nga makarit umatubang ha kadam-an
 - d. kakarawton, mag prapraktis kada-adlaw ngan magiging positibo.
4. Mayda ka maupay nga boses ngan ikaw nagdaog na hin duwa kabeses ha kontes hin pagkanta, pero hini nga higayon tigda ka pumiyok samtang nakanta. Ano an imo hihimuon?
 - a. magtatangis hin makusog
 - b. mahuyo ha pagkanta
 - c. madalagan pakadto ha luyo han entablado
 - d. mapadayon ha pagkanta ngan papasagdan an guti nga sayop
5. Marig-on an imo pagtapod ha imo kalugaringon ngan ha imo angkon nga abilidad pero iba an pagkakaintindi hini han imo mga kaeskuwela kay tungod an ira pagkita ha imo hambog sanglit ikaw pirmi gintatamay. Paunan-o mo hira mapapatuod nga diri ka sugad nga klase hin bata?
 - a. diri na mangangasi
 - b. diri na makikiistorya
 - c. makikipag-away para mapahuyo hira
 - d. mahuyo la ngan igpapadayon an maupay nga pakikipag-urusa ha ira.



Kadugangan nga Buruhaton

Pagsurat hin usa nga halipot na istorya o pagdrowing han imo pinaka paborito nga hirimuon kada-adlaw. Ini ba nga buruhaton nabubuhad mo hin maupay ngan may pagtapod ha kalugaringon?



Mga Baton

Pagsukol Han Nahibarian 1. b 2. c 3. d 4. d 5. d	Akon Mabubuhāt 1. TAMA 2. DIRI 3. TAMA 4. DIRI 5. TAMA	Akon Mabubuhāt 1. TAMA 2. DIRI 3. TAMA 4. DIRI 5. TAMA
--	---	---